

PM G20 Summit

जी-20 शिखर सम्मेलन दे पैहले दिन प्रधानमंत्री नरेन्द्र मोदी होरें इंडोनेशिया, पुर्तगाल, इटली, इंग्लैंड ते नार्वे दे नेताएं कन्नै मलाटी करियै आपसी सरबंघै गी होर मजबूत करने बारे चर्चा कीती। दपक्खी गल्लबात दरान प्रधानमंत्री मोदी होरें इंडोनेशिया दे राष्ट्रपति प्रबोबो सुवियाती हुंदे कन्नै बपार, सुरक्षा स्वस्थ सेवा ते दुआइए दे विभाग दे क्षेत्र च आपसी सरबंघें गी होर तगड़ा करने पर चर्चा कीती। मोदी होरें पुर्तगाल दे प्रधानमंत्री लुइस मोर्टाणीग्री हुंदे कन्नै आर्थिक सरबंघें ऊर्जा, ग्रील हायड्रोजन, रक्षा ते जनसंपर्क उपपर चर्चा कीती। प्रधानमंत्री होरें नार्वे दे प्रधानमंत्री जोनास गार स्टोर हुंदे कन्नै बैठक दरान नमीकरण ऊर्जा, ग्रील हायड्रोजन समुंद्री अर्थबवस्था च निवेश ते अनुसंधान बधाने उपपर बी चर्चा कीती। श्री मोदी होरें इंग्लैंड दे प्रधानमंत्री कीर स्टारम हुंदे कन्नै बी मलाटी लाई ते गलाया जे ब्रिटेन कन्नै व्यापक सामरिक भागीदारी भारत लेइ बड़ी लाजमी ऐ। उनें गलाया जे दवै मुख्य हरित ऊर्जा, सुरक्षा, नवाचार, प्रौद्योगिकी, बपार ते सांस्कृतिक संपर्क दे क्षे? च मिलियै कम्म करने दी हिखी रखदे न। मोदी होरें फ्रांस दे राष्ट्रपति इमैनुअल मैक्रो हुंदे कन्नै मलाटी लाई ते ऊर्जा, अंतरिक्ष, आर्टिफिशल इंटेलीजेंस ते होर दुए क्षेत्रें च आपसी सरबंघें गी तगड़ा बनाने बारे चर्चा कीती। दवै लीडरें भारतीय राष्ट्रीय म्यूजियम परियोजना च सैहयोग देने दे कम्म दा बी जायजा लैता।

<><><><><><><>

JK-NAS-2024

जम्मू दी शोरे कश्मीर यूनिवर्सिटी ऑफ एग्रीकल्चर साइंस एंड टैक्पसोजी स्कास्ट चऊं रोजा राष्ट्रीय कृषि सम्मेलन 2024 दी मेजबानी करने जा'रदी ऐ। आकाशवाणी दे जम्मू संवाददाता नै जानकारी दित्ती ऐ जे एह बड्डा समारोह औंदी 20 नवम्बर शा 24 नवम्बर तगर स्कास्ट दे मेन कैंपस चट्ठा च आयोजित कीता जाग। एहदा आयोजन राई-बाई ते करसान कल्याण, बागवानी, पशु ते भिड्ड पालन, मच्छी पालन, करसानें दा विकास सरबंघी सलाहकार बोर्ड, स्कूली शिक्षा विभाग, जम्मू कश्मीर युवा सेवा ते खेड्ड विभाग, राष्ट्री हैल सीकारिता लिमिटेड ते बागवानी बोर्ड दी सांझ भ्याली कन्नै कीता जा'रदा ऐ। इस सम्मेलन दा विषय ऐ

राई-बाई ते सरबंधत विज्ञान दे क्षेत्र च नवाचारें दा इस्तेमाल। इस पैहलकदमी दा उद्देश्य करसानें गी आधुनिक तकनीकें मे ज्ञान बारे जानकारी करना ऐ तां जे ओह पैदावार बधाइयै राई-बाई क्षेत्र दिऐं कुल संसारी चुनौतिऐं दा सामना करी सकन। एह सम्मेलन करसानें, ग्रामीण नोजवानें, महिलां करसानें, स्टार्टअप, कृषि उद्योग, मन्ने परमन्ने दे साइंसदानें, शोधकर्ताऐं, एद्योगपतिऐं, बक्ख-बक्ख विभागे दे सरकारी अधिकारिऐं, एनलीओऐं, नीति निर्माताऐं गी इक मंच प्रदान करोग जित्थें ओह राई-बाई, बागवानी, पशु पालन ते इयै जनेह होर दुऐ क्षेत्रें च होई दिऐं नमिऐं पैहलकदमिऐं, नमीं तकनीकें ते ज्ञान बारे इक्कै मंच थमां जानकारी हासल करी सकगंन। जम्मू कश्मीर, पंजाब, हिमाचल प्रदेश, हरियाणा, उत्तराखंड थमां इस कृषि सम्मेलन च 15 ज्हार शा बद्ध प्रतिभागिऐं दे शामिल होने दी मेद जताई जा'रदी ऐ।

<><><><><><>

Amit Shah-AIPSC

केन्द्र गृहमंत्री अमित शाह होर अज्ज गुजरात दे गांधीनगर च राष्ट्रीय रक्षा यूनिवर्सिटी च अखिल भारतीय पुलिस विज्ञानकांग्रेस दी स्वर्ण जयंति समारोह दा उद्घाटन करगंन। कार्यक्रम च मुख्यमंत्री भूपेन्द्र पटेल होर बी शामिल होंगन। गृहमंत्री होर गुजरात दे दऊं दिनें दे दौरै पर न ते ओह अज्ज किश महत्वपूर्ण कार्यक्रमें च हिस्सा लेंगन।

<><><><><><>

Goa-IFFI

सूचना ते प्रसारण मंत्रालय राष्ट्रीय फिल्म विकास कोपरेशन एनएफडीसी ते गोवा दी एंटरटेनमेंट सोसायटी दे सहयोग कन्नै 20 थमां 28 नवम्बर 2024 तगर गोवा च 55मीं भारतीय अंतर्राष्ट्रीय फिल्म उत्सव आईएफएफआई दा आयोजन करन जा'रदा ऐ। आकाशवाणी दे जम्मू संवाददाता नै जानकारी दित्तह ऐ जे फिल्म उत्सव गोवा दे पणजी च होग ते इस ब'रे दे महोत्सव दा विषय ऐ युवा फिल्म निर्माताऐं लेई भविष्य हुन ऐ। इस पुरस्कार च भारत दे नोजवान निर्देशक प्रतिभा गी मान्यता दिंदे होइ इक प्रमाण पत्र ते 5 लक्ख दा नकद पुरस्कार दित्ता जाग। इस उत्सव च 81 मुखें दी 180 थमां मतियां अंतर्राष्ट्रीय फिल्मां दस्सियां जांगन।

<><><><><><>

JK-SMVDSB Pilgrims

जम्मू खित्ते दे रियासी जिले दी त्रिकुटा पहाड़ें उप्पर स्थित माता वैष्णो देवी जी दे मंदरै च इस ब'रे अजें जगर 86 लक्ख शा मते श्रद्धालुएं मत्था टेकेआ ऐ। आकाशवाणी दे जम्मू संवाददाता नै जानकारी दित्ती ऐ जे एह गिनतरी दिसम्बर दे खीरै तगर बधियै 95 लक्ख शा मती होने दी मेद ऐ। हर ब'रे माता दे दरबार मत्था टेकने आले श्रद्धालुएं दी गिनतरी च बाद्धा दिक्खने गी लब्धदा ऐ।

<><><><><><>